




黃葉夕陽  
舍詩

後編

一

13  
984  
6





413  
984  
卷 6

文政癸未歲鑄

菅茶山先生著

後編

# 黃葉夕陽村舍詩

京攝 三書舖合刻

大正十五年二月  
花房仙次郎氏書

黃葉夕陽村舍詩後編序

曩先生詩未入刻京師書肆河南儀平介備  
中小寺子和請刻之浪華書肆河內屋儀助  
亦因備前小原業夫請如河南一時兩請不  
可偏許先生固無意刊布因并却不可子和  
重懇曰小子在京師罹病儀平善視之及歸  
相囑以是事吾銜其恩欲成渠志寧為我見  
許先生於是授稿前編是也爾後二書肆頻



乞刻後編不已一日河內屋家鑒茂平爲其  
主來請以前編許他爲言先生謂前編已屬  
河南則其請亦不可已然聞子新分業開鋪  
居貨恐尚不多余集雖蕉萃可以糴空閣宜  
就二家了事茂平喜謝乃受稿去遂與二家  
合議就工告刻已竣聊書其由於卷端  
辛巳十二月北條讓識

黃葉夕陽村舍詩後編

目錄

卷之一

五七古及五七律凡百五首

卷之二

五七絕及雜體凡百五十一首

以上係前刻拾遺舊無次第因分其體不復  
注干支

卷之三

古今體詩九十七首

自文化庚午  
至辛未



以下題首及詩上白圈武元君立所加句中  
白圈黑批者賴子成間白批者北條景陽所  
增加

卷之四

古今體詩百三十三首 自文化壬申至癸酉

卷之五

古今體詩百四首 文化甲戌

卷之六

古今體詩九十四首 文化乙亥

卷之七

古今體詩百三十八首 自文化丙子至丁丑

卷之八

古今體詩百八十六首 自文政戊寅至庚辰

通計一千八百首

目錄終



--	--	--	--	--	--	--	--	--	--	--	--	--	--	--	--	--	--	--	--	--

黃葉夕陽村舍詩卷之一

正月五日作

備後 菅晉帥禮卿

近不必擬陶自然相

開歲多陰雨今日始晴明遠嶺浮餘雪麗日媚踈櫺  
隣曲事飲博與誰試閑行持杯展陶集怡然讀且傾  
增城在何處斜川空聞名悠悠一千載殘簡照我情  
矢挂路上

行行幾十里猶見故鄉山落日浮遠水獨鳥沒煙巒  
依依背鄉樹遲遲出郊關此行無程限思還即得還  
豈爲羈絆態澹淚離別間但爲雙親老離家每自難



回望宛在目阿孃別時顏

胡瓜圖

胡種未長時暫入珍羞伍迨及眾瓜出斯物無人取  
何異小時奇老來多莽鹵

寄圓識上人

有脚不能走有口無一辭浮雲塞四野此意君自知  
斯身賴未死會有後來期

卽事分得玉字

昨夜寒如剪預喜雪埋屋竹樹纔飛花階庭未作玉  
忽被狂飈拂雲罅露清旭

此語卽卽爲感

此短節似誦古語

流民圖三首

西楚亦他鄉東吳非舊閭遠遊豈所好吾土信難居  
城中王侯第多作狐兔墟城南千家市茫茫枳棘蕪  
四顧曠無人仰見白日徂遠道與誰偕一步一欷歔  
手牽七歲女背負五歲兒捐軀遂非難二子將托誰  
汝在襁褓時正與汝父離音塵久已絕干戈日以滋  
經年復歷歲生死不可知

誰家老寡婦向我語刺刺兄死遼東難夫死河陽役  
小弟年二十亦出從戎馬近傳在江南隕命覆舟下  
聞之不忍棄荒原攜手行晚風吹荆棘露氣一淒清

賴野俠畫圖恐不及  
此發楚然與堯堯無  
家之派異矣



草間有鬪髀無乃我夫壻路傍有枯骨無乃兄與弟

陳圖南熟寐圖今枝子黯患不寐因命余題

古七

西巡枕膝泣龍顏唐室摧殘事可嘆南伐不容榻側  
軒宋家新造心未安九州鼎沸九十年幾人能得奠  
枕眠清虛處士何為者一卧動輒數旬連無憂樹上  
月三更研朱點易心俱清回頭偶看人間世笑他狂  
狂疲鬪爭延光妖夢終畜異鴟兒爛醉僅緹城此時  
人心皆豺虎誰知考槃寤宿情太華之雲時變滅太  
華之山長突兀何必黃袍迫衆心始使先生睡味深

朝先生數為人題此  
圖窮謂七古不如五  
律五律不如五絕

日夜鼓鼙轟天地齟齬靜和玉泉音無憂樹名玉泉  
水名並在青柯

答武伯子除夜夢余見寄作

看雪憶君想仙姿恰是去年訪我時今春寄詩來報  
道歲除有夢對傳卮我入君夢情豈淺君亦夢我心  
可知楓林月黑夜幽閒姑惡啄啄竹風吹書畫船繫  
在何處雞黍筵開未有期安得非夢復非想花筵月  
席每追隨

大猪川歌

大猪之水源何處滾沙漂石咆哮去路連東都相往



還丁壯賣涉水為田有時失脚委湍瀨流駛浪悍誰  
能濟數處作群立淤沙赤裸映日如夜叉輿上載輿  
人戴人肩峯出沒水鳴唇吾在其上任盪抗身世暫  
寄蚊鱗窟此水可橋亦可船未聞驛吏能建言山有  
斧斤水網罟衣食暴馮信可憐上岸回看天將夕沙  
禽磔磔水烟碧店頭沽酒犒僕夫始覺風光入撚鬚  
朝議誰用杜元愷浮橋一帶開坦途

又

習坎已過路坦夷道樹蔥蔥暖夕暉下轎偶與老僧  
伴且行且語步遲遲內述大猪不平事聲氣慨然無

浮辭愧我知一未知二略叙其言續前詩此水常日  
分多歧有險有易變隨時或見靜瀨人易涉潛鑿水  
底示險危或逢悍流身所難特架橋梁取便宜一支  
可橋餘亦可險若可為易亦為四月五月霖雨滋漲  
阻累日通無期東岸西岸客闐館物價騰踊貴作奇  
資斧滿車忽懸磬況乃高旅費莫支至竟患苦在行  
邁土人百計要攫資採水為生雖可愍其意可憎事  
可悲我宗開口說惠慈業願故期大船師募緣濟人  
豈無術吁我津梁老益疲或讀二歌曰修程倦行遇險繞出氣勢一新可防瘡  
痛村丁憫水收入行伍便絕濠整可備緩急舟梁不  
設蓋為此矣詩中自道不知其二恐其三亦未之知



也其言有理  
因記附此

題 螭崎公子畫鰕魚圖

鰕或作鮓  
今從俗

南國從不產鰕魚偶來肆上已乾枯公子示人以鱸  
新描出三尺白銀鱗開看活潑勢將跳却想蝦夷萬  
里潮

為素軒主人題濱田希庵畫楊林泛舟圖款曰

甲子三日寫

中流伊軋槳聲移東渡楊林雨歇時主人家在挑花  
岸遙認望人立水涯主人是誰客悉誰高風至今使  
人思勝流勝境併難得此遊此興何由追願分秦水

鰕或作鮓  
今從俗

賴野處在備中素軒  
持之來示既踐其境  
又詳其辭始知其妙  
因思從前嘗覽所夫  
必多

成兩歧一向君門一我籬時盪輕舟如此畫往來百  
歲吳娛嬉

高叔鷹宅書所見

怪雨盲風捲海去恐怕小樓從掀舉本貪利涉向津  
市不料前程險如此我道從來屬蹉跎隨遇堪咲亦  
堪嗟賴有主人能醉客佳魚作堆酒作河醉當衝風  
憑檻立驚濤如山若我何

秋夜留大空上人同家大人及二弟賦分悠然  
見南山句為韻予得見字

菊圃風收香庭院留客南軒夜開宴顧我固非顯要

賴平洛中有餘味又  
見家庭之樂

亦後骨亦仙骨



此有結句及合題  
面

人相君堪補高僧傳，共喜閑身脫塵羈。花臺月樹頻  
相見，坐無管籥寧損歡。園收芋栗是豐饌，山中事業  
足烟霞。貧裏遊嬉有琴研，醉殺休問隣雞號。對客妻  
孥亦忘倦。

中秋無月有期不至賦此代柬

秋來計日待會見，豈知君心容易變。二七三五期空，  
愆待至今宵宵已半。陳篇齊章獨自歌，庾樓袁渚定  
若何。只聞玉砧搗暗恨，不見銀漢流素波。醉來望君  
出門立，楚音如近風竹颯。只見林野添冥濛，何當杯  
尊相延接。吾願與君住同鄉，時時相就依罷光。吾願

與君居同宅，日日相對飽清德。願作琴劍常相隨，雖  
在行旅不相離。

歲杪呈諸友人

十年守拙卧茅廬，卧裏光陰又歲除。醉月迷花聊取  
適，眼中寥廓與誰俱。今年不及去年好，不知佗年定  
何如。今年人事既如此，勸君相謀絕塵拘。他年世態  
堪預料，勸君相聚且歡娛。梅兮月兮如有意，應笑吾  
輩往來踈。

水島舟中

播磨以西江面狹，島嶼百千布其中。大連巒嶽小棋

北瀟灑可誦足以解  
頌襟  
賴使人發深省



點或稠或稀鬪麗容官船賈舶雜漁艇來去如織路  
四通我曾六遊鳳凰城每載琴劍向水程帆風泊雨  
窮變態坐月立雪恣賞情濁酒可賒魚可買最忻四  
時波浪平方壺圓嶠事空聞五湖三江津未問且近  
移居向此閒撈蝦射鴨作隱淪何人能拋榮願去浮  
家長此結佳隣開仄用

榮谷梅林值雨贈子雅先生

拙齋居士梅花顛荒尋誘吾夕鼓門吾亦性僻同此  
好頗諳隣鄉有梅村此日啓行來榮谷榮谷不必讓  
三原千株交影跨岳巒天成位置欲描難或沿澗水

森行列或匝人家鬱團欒欹倒屈蟠各逞技時值合  
抱聳雪山忽爾陰風生林端白龍出沒亂雲間霧霏  
咫尺迷昏黑只覺狂香迸衣巾花神娛我以奇幻能  
辭雨立醉花前憶昔三原陪遊舫爾來尋梅幾聯杖  
菟臺甲山栗根溪屈指舊蹤每惆悵當時伴侶半在  
亡忻此病軀俱無恙其間炎涼頻翻覆喜此交情長  
相仗花下勸杯且琢詩巾墊衣濕恍忘歸願言幽盟  
不辜負歲攜佳興及芳時

姬仲明命余詩其研山別寄一石以充潤筆云  
亦是中原洲所出賦此為謝

顧為姬文當作者  
空確語此篇則亦  
可愛各見長技



故人餽我小螺鬟，青玉削成勢欲奔。烈公遊跡比峴首，微物亦疑遺愛存。時想風采撫吾志，好挹冷氣爽詩毫。陰嶺餘雪終南秀，半腹噴雲祝融尊。數點黑紋鮮如涿，得非當年題墨痕。

春日出遊寄道光師

雪意漸闌，林漏日，雲容淡淡風瑟瑟。天低鶻沒，水波明野空，煙橫村樹出。病夫擁爐臥，二旬未知郊垌已生春。此日偶然試行藥，山光物態皆尖新。直尋隱侶來靜境，西窗半納梅花影。把酒看棋坐，閑堂始覺春日永。復永春風何處無，遊嬉林丘自與野性宜。待君

願平放去自不可及不知其當日受命選擇何故遺珠

吟鞋踐幽約，西崦南澗日追隨。

至樂居贈長尾公實限韻

海內論心，屈幾指，雞黍期來十餘里。我亦魂交稱知己，相逢襟懷魚忘水。杯酒扼腕評青史，燈花開落慷慨裡。大盜從來享世祀，枯骨鄙笑袁粲死。書生徒守屠龍技，狂愚甘與時殊軌。我居山陽君竺紫，百年幽盟附鴻鯉。記取殘梅孤村市，風雨連日同書几。

布袋和尚探出囊中珠玉散與群童圖

余願借君囊中貲，遍賑鄉隣凍與飢。西市少年作偷兒，點別萬里禦魑魅。東村老翁誤租期，雪天下獄斃。

北間先生有此贈不數月公竟歿死僅前枯骨云云句成識矣

世間有力難當不周急活泊皆是不圖連累及和尚



翻得非露筋骨

鞭笞奇禍所由君或知如何坐視日笑嬉龍華三會  
待未來力知且拯轍魚眼前危

題留侯鬻劍圖

一字韻到底先賢祇伯玉所創  
近日葛子琴送田千秋作擬之

余亦  
傲擊

鬻劍者良買者信演史所傳固難信叛者韓王非韓  
信正史所載亦難信滕公與語已先信蕭何數言帝  
始信設壇具禮諸將猶未信閒行歸漢為成信帷帳  
計策言每信其致四皓後世或不信當時既有信不  
信千歲之下何必信苟疑可疑信可信千載之上乃  
可信非知陛下獨知信背果貴否余不信予書圯上

此是以文為戲也工  
鍊雖不可及要異大  
雅之音  
顧麻姑撒米

世已信果為黃石余不信如婦者良壯者信齒敝舌  
存斯言余益信

過田中二丞宅

以下五律

何處避炎威新晴日午時松陰棋子響簾影竹孫滋  
佳景家臨野幽情壁有詩荒尋既經月復此滯還期  
夏日同諸兄友分字賦此

閑行憚炎暑久矣挂枯藜餉路長川迥耘歌遠樹低  
寺隣僧夏磬巷靜午時雞何事消長晝呼童分僻題  
三月晦同士晦子賢諸子賦

共惜韶華盡荒尋欲斂昏林禽看客默溪雙向牛言



粉堞橫鴉背紅泉迸樹根歸途君莫速擔上有殘尊

橫尾途上

間行全勝藥忘却抱病身飛鳥還知晚狂花自作春  
霜前山已瘦水後市偏貧大路城門近喧然輸稅人

竹谷

離市心先濶聽松耳也明泉流乘石駛衣袂入山輕  
徑濕宿雲氣林深栖鳥聲腰閒一瓢酒不用避過清

荒谷卽事

偶逢空籟至云送道光師是曉應過此今宵詎對誰  
所經非俗路隨在有佳詩欲向扛夫問扣夫恐不知

題楚字著

明朝

明朝應有雪野霧渺川原居世憂常足隨時樂也存  
冥行疑熟路火影認前村驚看蛟蛇走崩沙露樹根

悼渡邊惠助

曾為余寫  
易傳鈔說

一年來助講數日去離群忽得天涯信驚脩地下文  
乞刪詩未返鈔易字猶薰新鬢頻才鬼精研最念君

題畫

申屠逃黨銅文舉避兵戎何似樵蘇伴相忘紫翠中  
鳥棲崖樹露月送澗橋風夜飲招隣局閑談百慮空

送中山執法于役東武



宦跡無休勢，秋風忽客程。一身酬國志，千里據鞍情。  
片月津頭苦，群鸞馬首橫。通材稱嚴職，前路豈難行。

早春東門大夫宅集分得社字

逐霽拜新年，來趨藩府下。城春雉堞深，壕暖鷗波冶。  
絲影市飛鸞，人聲街習馬。大夫耽雅遊，琴酒招吟社。  
同前微白詩何處春來早，分賦諸家余得估家。  
何處春來早，春來估客家。風帘偃巷柳，星貨擁瓶花。  
都近言偏好，錢多俗漸奢。弄球街上女，新樣艷妝誇。

故福山侯聰敏公廟

天下宗齊國，門材封楚丘。七輿周貴爵，千騎漢諸侯。

野色羅城晚，風聲喬木秋。蘆川如帶水，仍抱福山流。  
還自笠岡途中口占二首

遠電明池水，初涼動草蟲。高低山漸緩，屈曲路將窮。  
石冷松蘿露，郊虛擺綉風。幾家燈火影，點綴翠微中。  
富國知何術，居家常苦貧。獨行多所感，幽意向誰陳。  
野曠焚蝗火，田喧澆水人。放歌聊遣悶，樹杪爛星辰。  
君推宅分得郊字

靜者愚名谷，幽居樂作郊。徑開新竹，曲家在古城。砌  
堦蟻君臣聚，林松老穉交。正逢秋熟，早魚米足，山庖  
祥三宅集分得遙字



稻實含風重，撞花映露饒。農功聊得暇，韻事此相邀。  
午澗牛鳴近，晴天鶻影遙。甌窶知歲稔，樂意入童謠。

宿海田驛

夷庚山始斷，城近簇人煙。厓曲蕃藎圃，江灣牡蠣田。  
蜀郎供驛遞，賈豎課官船。一宿津亭夕，潮鳴客枕前。  
薩摩赤崎文學從公駕西歸見過州堂分得韻

刪

騶從填荒驛，熊車過亂山。暫辭公讌樂，來訪野栖閑。  
交態絃微外，歸程翼軫間。何當珠履跡，重入白雲關。

次韻合麗王見贈

市隱君蓬戶，山遊我竹筇。關河空自阻，萍水此相逢。  
仙手窮三體，吟肩聳兩峯。自來知鳳穴，曾見謝超宗。

十七夜同登對潮樓分得仍字

海城來賞月，風雨日相仍。今夜纔能照，浮雲已幾層。  
樓明秋水影，島暗泊船燈。賴有君攜酒，深杯興可乘。

羽田莊佐隱居會李岱古仲主人善棋二子善諧歌以下排律

偶問聯吟社，相逢坐隱房。清機四五局，古調兩三章。  
洒水露苔石，移筵近竹牆。樹梢明遠電，檐角落微涼。  
談入煙霞熟，情忘物我長。誰知城郭裡，別有僻幽鄉。

猫



惠養日優游寧同羊豕儔顏珠箔曲礪爪錦茵頭  
暗室眼光微明窓毛彩綢黠心能示怯媚態或含羞  
驅鼠身何儼馴人性似柔紛紛笑刃者側見自堪憂  
阿彌陀驛兒鳥範長陳沒之所

碧血誰埋葬殘碑問野翁流芳春草綠遺恨夕陽紅  
橋梓勤王志鉏耨首事功身殲知大節世遠仰英風  
復祚嗟星墜懸軍奈矢窮如論忠憤切未必讓補公

鷓鴣諸子同登黃葉山古壘余疾不能從賦此

為贈以下七律

勝遊聯步入邱隅目送詩囊負錦奴古壘自應多感

緒秋山恰好撚吟鬚霜戈雁陣新幽事皆井空壕舊  
戰圖彩筆各稱豪一世何人先探睡龍珠

十六夜林杜村攜具來飲分得時字是日京信報信卿弟

病臥

雲陰數日失秋期纔至今宵霽少時千里忽傳鴻雁  
信孤懷更作鶴鴿悲人間節序愁中過天上容光暗  
裡衰賴有鄉髦來載酒連床月下且傾卮

五日同孝祥賦分得韻庚

梅霖新霽棟風輕細葛飄飄動勝情水國歲時荆楚  
俗溪莊娛樂鷺鷥盟只須尋壑從陶令不必浮舟吊



屈平願得長絲繫歸馬，與君聯句日閑行。

送三浦大夫應 召赴東都邸

忽應旃招命，棹歌行。看秋色滿關河，尋幽自有仙區。  
在貪路其如王事，何身為救時，專示儉政，因師古漸。  
蠲苛遙知朱邸陪，公譙月影恩光映五紵。

廉塾贈松田教之分得韻元

雉鳴樓角午山暄，細雨梅花溪上村。畱客雖無歌板  
設卜居，幸遠市塵喧。柳陰芳草烟生徑，竹裡低橋水  
入園。書課何妨拋數日，終年幾對故人樽。

送內藤大夫應 召赴東都邸分得韻虞

嗣君襲職在東都，古語遙招處大夫。今夜一堂陪綠  
酒，明朝千里擁驪駒。藩中議政身多暇，路上題詩興  
不孤。何事尤堪為土物，市童行唱昔無襦。

大森道中寄柴博士及諸子

誰驅王式向都門，已分陶潛老野村。調與時人終自  
背身無職事，亦知煩勝遊數處鴻留。瓜歸路千程鶴  
出樊，獨有交情忘不得。依依回首孔融樽。

春初同諸兄賦分林下輕風待落梅句為韻得

輕字

柳影梅香春復生，感他節物自崢嶸。群峯窻裡來佳

韻的是遠珠當時以  
有佳於此者故略之  
耳  
北隱者語自有別趣



色數鶴雲間弄喜聲歲歉無錢償舊債家貧有酒作  
新正醉中同賽田神去一路林風拂面輕

夜與彥先話分得韻侵

雁鳴斜照爽秋林竹枝鏗然五柳陰莫問海潮通信  
少自忻山侶結交深連宵談話孤燈影十歲風煙兩  
地心老去浪名時引客幾人論到伯牙琴

中山大夫宅夜飲同咏蠟梅分得韻陽

誰言菊後更無芳獨向梅前別作粧雪滿郊原千里  
白春生庭砌一枝黃曾聞蠻種傳真蠟今見華筵貯  
象香夜酌對花巡玉椀盛來琥珀燦添光

龜井空石還自江戶賦贈

春巷幽眠夢友生喜聞花外馬嘶聲鶴邊待客林君  
復雁後歸家薛道衡秦樹嵩雲他日思楚萍謝絮此  
時情再遊能幾尋三徑一醉休辭坐五更

齋藤文貫近遷劇職有詩次韻以答

驛使函中幼婦絲風流無恙舊襟期苟懷才調堪接  
世何讓心腸不入時至後成功能得退從前適意豈  
難追琢詩娛酒偷閑日忻子猶餘故態痴

十六夜月

秋來未有不陰時昨見新晴也已奇況得連宵成玩



賞敢論浮世自盈虧光侵窮海潛蛟舞清入重關成  
辛悲且喜孤亭池上月竹風葭露勸傾危

次尾池寬翁見寄韻

鶻沒遙天正夕陽滄波滿地暗愁長追思往事星難  
聚重看來書墨尚香明允一家吟作社無功半世醉  
為鄉欲將已調酬珠玉愧殺周郎聽在傍

河子蘭宅集得韻者

閱寂書窻對遠郊心清自少事相亂求群屨伴龍無  
首守拙寒鄉鵲有巢閑裡堪看今世俗貧中誰結古  
人交但將病體供文酒何問浮生比夢泡

類前聯用典不偏杜  
的是名句後聯誰如  
平平亦足配之

岡山客舍通夕不寐

纔出家山二日程白雲親舍已關情隔牆撥杼秋將  
老遠巷絃誦夜幾更雨氣燈光孤枕倦鄉音土俗旅  
懷驚憶曾書劔尋師去三載沈病臥洛城

次道光上人韻五首

遊方看盡百花翻忽爾來敲月下門誰使故人窮勝  
旣轉忻新政及荒村沙川水暖魚攜婢藥圃煙斜桐  
抱孫我亦尋春經兩月輸君詩擔玉瑰繁

人間變態似雲翻此事何曾到我門高臥終無青鎖  
夢餘生賴有白鷗村簾前舊影垂梅子苔上新尖族



竹孫畱得能吟釋栖一移牀日蔭綠陰繁

破衲翩翩與鳥翻江山隨在是空門曾辭楊柳宮前

寺且住菰蘆岬畔村自有慈悲教鬼母不須神駿畜

龍孫最憐禪暇耽吟趣時扣芸窗玉露繁

卧看白鳥向山翻苔滿低檐水滿門返照歸雲空野

戍荷香松影寂江村閑身不愧巢居子清世忻為洛

誦孫一盞黎祁一瓢酒寧辭笑語徹宵繁

東海卿雲捧日翻竭來歡笑滿閭門危從方士尋蓬

島始喜閑身老竹村鄴下詞雄原將種臨安賢相是

王孫蒼生蘇息年連熟猶說先朝吏事繁

落花限韻

世上韶華難久淹獨憐香艷與心殲椒房一夜雨鳴

砌蘭若連朝風捲簾泛水暫紫橋脚駐委泥終入屐

痕粘襄陽詩客春眠足啼鳥嚶嚶寂午檐

十五夕將訪海道士路聞舟遊既發乃登光善

寺

聞載笙歌泛彩舟便回杖履就緇流百年難值三宵

霽一餞聊消萬古愁講罷清輝生衲袖詩成素影在

毫頭不知泊渚陪仁祖何似撞鐘伴貫休

自府中歸途中作

北結末成對先生懷  
手源自少陵來



憩娛流水步，看山攜得吟朋。意共閑竹外，謠聲耘婦  
倦橋邊。語響市人還身，辭亂石頽嵐際。路遶青秧翠  
苻，閒搔首。昨來行樂處，笠檐猶見碧雲鬟。

送書生還松前

松前懸處北溟，中路出毛夷。東復東秋杪，已防官酒  
凍。暑天纔有賈帆，通輅車久奉殷王。典卉服猶存禹  
日風行，把詩書化鄉俗。陳良那必讓文翁。

偶檢巾箱得亡友藤井蘭水管波子裕松井子  
璐高見新助書悽然賦此

黃公墟上幾追隨，忽見遺文感往時。淡墨數行磨欲

滅，幽魂十載去何之。疎燈細雨論心，夜月底花陰鬪  
酒期。獨倚晴軒舒且卷，流鶯聲裡夕陽移。

寄鳴門公翼安道重憲諸子

溪禽磔磔喚吟愁，昨夜閑潭夢舊遊。沙際唼聲人鬪  
酒波閒，舞影妓方舟。桃花岸上紅魚市，杜若橋邊翡  
翠樓。樂事都門春二月，誰能回首問羊裘。

壬寅十五夜

三五期來夜色饒，如何災厄在今宵。障風團扇塵纔  
污，洗硯清池墨忽潮。是時所見如此，不似常食侵揜之狀。祇見高臺勞  
曆候，誰持寸刃拂邪妖。也知明德終難掩，未墮西崑

穎去年中秋亦逢月  
食吟社人爭巧乃  
知此等詩不可多得



氛祲銷

人日寄懷中山子幹兼呈佐刺史

懷人人日日西斜梅柳窻前野鳥嘯他席他鄉春復  
至一談一笑酒誰攜海南消息雲濤杳湖北風煙夢  
想迷唯有多情高刺史懸知新句問花溪

或話高山彥九郎事戲賦

輿誦紛紜亂似絲何妨行獨受人疑周遊空使英雄  
老昏靡徒嗟鷹犬滋九鼎不關秦社稷八厨還管漢  
安危狂愚自信平生志但有腰間匕首知

西濱

人家斷續枕汀沙滿港斜陽曬釣蓑橋影馬聲紅鬣  
市暄風輕靄白鷗波百年四海干戈息千古扁舟遺  
逸多我亦山林考盤者吟詩行荅濯纓歌

待西山翁不至簡道光上人時值三月盡

嬌鶯啼上晚櫻枝簾影搖搖午影遲臥病久妨浮白  
興待人虛過踏青期今春今夜畱難得斯際斯心訴  
向誰好請多情賈島佛一尊吟到曉鐘時

艮嶽

往事滔滔汴水波道君遺構有車馳半生遊豫畱圖  
畫十里蒿萊埋綺羅懦語滿朝終棄國忠魂一夜枉

北可通駕奉天營



過河珍奇異日供誰用贏得嬰城砲石多

笠岡途中有感

昨挿新秧小似毛驚看涼葉沒牛尻  
年華冉冉無由繫世事營營祇自勞  
松楸林塘堦隧古槿花籬落拮  
棹高今年六出郊關路復被秋風  
勸濁醪

重送道光上人之雲州

馬頭斜照亂山紅別後秋光獨步中  
嶺路天長鴻雁影湖城寒動鯉魚風  
禪餘樂事攜孤杖醉裡詩懷寄  
幾筒聞說雲州多雨雪愁君抱病臥  
巖攏

同道光上人登黃龍山分得重字

老禪方丈最高峯踏破中條紫翠濃  
湖海萍遊無路梗乾坤樗散有人容  
松杉風外郊坵迥蒼筤香中洞壑重  
閑境剩知魂夢穩起來將及午齋鐘

梅

春信無端入曳筇想君冰谷托仙蹤  
西湖東閣人皆死幽艷清香誰為容  
晚竹連煙橫凍月寒林隔水度  
疎鐘芳魂一片招難得夢繞瑤臺十二重

送立綱上人遊竺紫

上人嗜和歌善萬葉體

萍跡論文四海中八垣遺調有誰同  
雪懸田浦王孫艇山邊赤人垂仁帝裔  
春暮香山女帝宮擬滌源流窮古奧不

翻起二句近稿絕句  
有此意

北死作已如何

北風神目高青邱

北前聯用事恰好結



隨時世競新工長崎如遇支那客先問周南舊國風  
肥後本田子征對馬吉松千里將遊洛過余畱  
宿分得韻歌

畱歡三日忽離歌濁酒其如別思何宦業自甘潘岳  
拙賦才偏患陸機多劔鳴山驛生秋氣鐘動江城沒  
曉河振古儒紳推洛下高軒阿那最經過

又

西京賦就指家林重繫歸驂五柳陰洛市已傳增紙  
價臨卽曾薄問琴心壯懷遠道風霜烈誰恨連宵杯  
酒深預喜驂騑逢主早燕臺新令築黃金

陸沈館席上談及藝學有懷賴千祺次孟慎韻  
時千祺寄詩壽家大人故結末及之

別來年月若飛丸養病依然臥翠巖身計全歸鷗鳥  
社家書未委蠹魚餐泮宮春雨生芹藻澤國秋風老  
杜蘭爲我裁成方丈曲多君傳得廣陵散

人日子齡士晦見訪分得韻齊

巷深茅屋午時雞梅繞苔檐酒滿旣佳設婢挑人日  
菜幽期客問鹿門棲野陰漠漠歸僧小山雪皚皚過  
雁低新政漸遷朝市俗一談一笑好相攜

松風館卽事



前略何減老陸

黃葉詩後編卷一

箱藏古畫案堆書，却是尋常百姓廬。爨婢摘菜呼病鹿，園奴激水引遊魚。籟長松頂風收後流，淨崑根凍解初。奴婢亦能知愛客，不妨騎馬到階除。

尾路水中一夜忽放燈火數千，云修死者冥福，蓋舊俗也。即賦此詩。

千燈誰放大江隅，聯影分光夜欲無。直至中流棋點

過忽當極浦，雁行趨一時。水殿群丹鳥，羅鄴螢詩水殿清秋玉戶

開飛光千點去還來萬里銀河爛，白榆且向人間供樂事。肯論

彼岍照迷途

### 富濱分得山字

起處疑交鍊

預後聯其境如書

才入仙村心已閑，曾聞佳境甲江關。波閒時指樵歌過，岳角晴看笠釣還。碧樹數峯橋影外，粉牆兩岸齒煙閒。如教地主容吾懶，直載琴書借半山。

### 次韻孟慎中秋會十光寺見懷作

雁嘶天末碧雲清，露竹風荷秋滿城。對月追惟平昔賞，逢晴未有此宵明。心耽泉石孤蹤秘，人隔關山一嘆橫。聞說東林修玩事，遙憐丁卯舊吟情。

### 秋前一夕同諸子分胡地帛書鴻雁動句賦詩

### 余得胡字

十年浪跡混樵蘇，偃蹇高陽一酒徒。曾見招賢馳玉



帛忽聞習戰備，羗胡市門人定。溪聲近，嶺樹雲開。昂影孤，明日乾坤又秋色。且飲鄉味足，尊鱸。

栢原道中

大路迤邐入，炎長人聲馬語也。荒涼已逢靜境，須先賞誰向前程。費預量驛舍，踈蕪多賣艾。山田磽角半，栽桑認佗無著。曾栖處，鳴磬巢鳥古道場。六如上人曾住栢原

某院上人号無著

次韻六如上人見寄

都門半歲少，逍遙藥鼎花瓶昏。復朝白眼無人攜，酒榼紅塵何處著。山樵笙歌夜市橋，聲聞羅綺晴郊鞭。

賴八咳二字自西來者，可今自東歸未知九否。

賴憶曾二字，聲到。下句忘本意不然。

影驕病裡襟懷日，愁結幸君詩偈苦相撩。

慧遠蓮池岳影開，欽懷不奈路遼迴。石階馴鴿分香飯，草閣留賓漉玉醅。誰誦一囊呈佛句，深知三藏譯經才。憶曾竹裡尋幽徑，爛熳堪方袍入夢來。

再次前韻奉寄竹山先生

孤生索寞舊青袍，羨殺名家有鳳毛。病裡光陰容易過，醉中談話轉應豪。業偏馬史千秋大，人自龍門一代高。敢忘秋江鴻雁夕，挽畱歸纜勸香醪。

觀星有感寄姬井仲明

雨後星榆爛，競輝滿空如沸。識名稀中能明滅，下能

賴奇格以姬翁精天



學故藏之耳  
北全篇自坡公來

正北斗闌干南斗微畢雨箕風神或倦牛箱角載事  
應非何時重見賢人聚不奈高參巧相違

送原雲卿應聘赴松前府

要衝防備待才豪詩畫何妨擲彩毫馬上寒光蘇武  
節此節名製似木邦馬號此與結句竊寓規諷腰閒秋氣赫連刀風回絕壑  
羸聲震日落空洋鮓背高七尺酬知平昔志期君忠  
信涉波濤

雁

昨夜西風入洞房塞垣消息有微霜鳴過御苑砧聲  
苦影落龍池柳色涼楚水吳山秋始遍胡雲邊月路

空長欲操瑤瑟寫愁思金雁飄零不作行

子規啼時信卿西遊

楊花三月落紛紛杜宇啼號朝復曛驛路日長春又  
去船窻夢斷夜將分天低楚塞空江月雨暗巫山老  
樹雲小弟歸期經歲滯此聲飽在客亭聞

齋藤文貫武元君立來訪分得韻東

高情曾寄幾詩筒百里嵇車半畝宮門為虛名徒引  
客身供多病既成翁蘋香荷氣凝晴露石澗沙堤寂  
夜風恰值汚邪袂事畢不妨畱醉竹林中



黃葉夕陽村舍詩卷之一

黃葉夕陽村舍詩卷之二

備後 管晉帥禮卿

畫山水

亂水懸牆立，層雲擁削成。數家栖半腹，似是青柯坪。

題畫 菱葉  
鯽魚

漣影隨風定，秋湖清復清。忽看菱葉動，下有鯽魚行。

又

橋橫樹影中，水復秋山內。我欲宿前村，恐無佳酒賣。

甲山路上

迎人石相揖，驅馬雲將礙。樵者指前程，路橫歸鳥背。



又

雜樹夾溪昏，歸雲抱石屯。鳥身看不見，聲大似人言。

十日菊

醅酌酬佳節，醒來已曙光。挿頭前日菊，猶在枕邊香。

夢蝶圖

蝴蝶夢為周，寤語撼天地。夢覺不知周，栩栩弄輕翅。

題畫

酒渴貪看水，攜行不覺遙。扁舟何處客，快意帆涼颯。

淺閒岳圖

應村田  
春海索

信陽山作國，靈岳在何邊。膝下千重翠，峯尖一道烟。

北膝下千重翠，恐不  
切淺閒

題畫

二客歸何處，衣衫映樹行。崖頭相顧笑，知是好詩成。

即事

出戶看新霽，餘飛尚在庭。攔端老松蓋，中洩兩三星。

小景

溪光上葛衫，樹影籠茅舍。長日苦難消，初知是炎夏。

石

已成吾貌醜，又作此心頑。時被吏人問，何由栖碧山。

畫紅梅帶雪圖

梅林終日雪，失却萬仙姿。中有紅粧者，風吹出數枝。

北亦賞笑而不答



題畫

類如此妙篇當日何綠蓮之

獲魚籃已滿風逆不能還咫尺吾廬在炊烟橫樹間

畫牽牛花

夜製青毛筆晨開碧玉卮西窗未知暑卯飲好題詩

畫鷹

某執法索

星眸光爛爛霜翮氣森森不必須毆擊始能威眾禽

社日示國器

佗鄉逢社日濁酒坐春宵遊思南溟濶音書北雁遙

日間即事

午路尋涼處松根暫箕踞題詩展小箋忽被風吹去

北虎在飛詩會

題畫

郊外韶華遍城居未覺新多情采樵女叫賣一枝春

小景

一夜北風狂桅竿數欲折旭捲短篷看陸離遙嶺雪

小景

彩翠含幽石斜陽在老松暮山人去盡巒嶻為誰容

題雜畫

晚虹收片雨霽色迥林端斷續雲邊雁相呼聲未乾

冬初雜詠

荷篲收林實索絢補竹籬病來減書課時作賤場師



都羅

松樹生崖腹，長根走石間。同行且語昨夜夢，黃山畫鳥。

暮宿松雲外，朝飛竹日西。人間多勝地，不必上林栖。

題畫

以下七絕

怪石狂峯路不分，一村村踏樹梢。雲連山缺處，君家在稍近。吟聲出竹間。

獨松嶺

長坡登盡路，縈迂下看江山一幅圖。憶得北遊尋勝日，磨鍼嶺上眺琶湖。

北總房及吳常海濱親筆此詩境

白石磯

山如虎踞枕魚磯，路似蛇行繞石碕。忽爾長風吹浪立，碎成雨點濺人衣。

雲卿畫山水

遙尋畫本繞山行，石色松容摸未成。別有雲卿圖一幅，併余收得入經營。

鮑翠堂壽筵余事牽不得會賦謝

群仙開宴在蓬山，青鳥招余侍末班。欲乞遠遄一杯酒，紅雲闌路迴難攀。

春曉



類當於暮家屏上見  
此詩數語以為刻後  
詩何知亦係遺珠

北温季

書幌香消寶鴨烟思深春夜亦如年早鶯鳴破江樓  
雨林影花光曉杳然

閑行次韻宋相

幽花夾岸水波清戲蝶鳴禽弄晚晴屈指徂春餘幾  
日不妨時廢讀書行

卽事

雨斷梅天鬱未晴滿溝新漲夜庭明隣機無響人初  
定門柳陰中姑惡鳴

甲山路上

枯藜撐上白雲邊驚見松梢出土田清世山中人漸

此不如前刻壘破深  
山幾疊雲句

密新會亦欲及青天仙堂

內藤大夫枉顧分得韻江

芋栗園荒寂竹窻愧無佳設勸吟缸大夫閑豫娛林  
野子子干旄到釣砭

偶成

鶴鳴林杪野陰垂輕煖輕寒近午時欲試山行還怯  
雨連翹花底坐敲詩

送翼叔游伊勢

人生難得暫時閒勝踐何須刻日還鈴鹿驛程佳處  
少勸君遠路看蕪山

類當於暮家屏上見  
此詩數語以為刻後  
詩何知亦係遺珠



題畫

橫篙自信舟流去，睡起不知何處所。  
清波浩蕩四無聲，風露滿天天欲曙。

十六夜新晴如晝，且望在是日賦此志喜。

滿空清影宿陰收，滌盡天慳昨夜愁。  
仰看水輪輪未缺，今年幸有兩中秋。

次韻小河貞藏中條途中作

雨鳴蓑袂急，陰風拂面烟霏洗。  
酒紅欲向前村暫，相避人家已在夕陽中。

次韻宮原莊叔

類與五絕路橫歸者背同一佳甚暗疑前半布置太巧耳

雨兆過暄野靄黃，山雲一抹沒斜陽。  
村家爭出收糧稻，喚取歸樵且救忙。

蟹阪

陰雨連朝澗谷閒，厭他林霧嶺雲頑。  
新晴赤石城西路，揭起輿窻看海山。

湖東三首

行程差北雪猶殘，預恐江濃特地寒。  
却喜此閒春尚淺，梅花到處未闌珊。

江州隨在好風光，漫道斯鄉獨陋鄉。  
此日重來值春首，觀音寺畔萬梅香。

類當時疑第一句未稱故遺之

類此等旅行中人人必有之情而不能道之裏實不哀不西走乃方知是當時視爲平平爾



湖東到處未殘梅，野鳥聲聲喚暖回。  
默計行程已將半，江都應及小櫻開。

富士

詩句無人能寫真，畫縑誰筆解傳神。  
漫將高峻勞評品，不說仙姿絕比倫。

晴雪玲瓏白玉顏，暮嵐縹緲綠螺鬟。  
何來端正含溫潤，竟是東洋第一山。

箱根山中次備前宮城大夫送別韻

陰崖古木冷歧旁，獨有鶯聲管艷陽。  
二月東薇好風日，誰知踏雪下羊腸。

類是亦別有佳於此者而景之畫爾

北清妙無一點塵氣

常游雜詩

輕刀徐入島間過，輾破中流帖水荷。  
兩岸蒼茫人不見，柳陰風遞挿田詞。

見柳陰風遞挿田詞 其 江

蘋末搖搖映夕暉，舟人偏恨暑風微。  
黃梅五月香澄路，菰葉菱花沒釣磯。

同

綾瀨舟遊卽事

水樹蒼茫不見人，誰知烟外是紅塵。  
舟遊請客無佳設，漫覓詩資到遠津。

一葉隨波不用賦，無端流入管絃叢。  
舟師亦解幽人意，棹向垂楊小港中。

北與道春五月臨平山下路可此有

類三首優然遺珠



夾江亭榭萬燈光閃映連漪夜轉涼烟火時衝星漢  
影笑鹽開過綺羅香

箱根卽事

雲開馬首出平湖四匝峯巒盡畫圖擬製新詩寫真  
景水烟俄作白糝糊

駿府曉發記所見

轎中殘夢海城鐘曙色朧朧野靄重波底紅霞錦千  
里天邊白雪玉三峯

牧方道中

樹杪風帆帆外樓中分沃野一川流微醺好向晴隄

步愛看清波綠鴨頭

題美人抱箏圖

斜抱銀箏出繡帷笑容一掬靄春曦苧蘿小日無人  
妒不信宮中有苦思

米澤大貫退藏來訪

萍迹經年遍海涯幾人同調問朱絲竹隄荷沼連朝  
雨喜子歸鑣暫緩期

九宜亭同以宜字為韻

更字新亭曰九宜空濛先見雨中宜眼前島嶼皆僊  
境恨不攜歸作土宜



桃島舟中記事

誰鑿山閒一派斜歸程取捷入輕艫橋低潮滿行難  
得遠倒桅竿轉舵牙越滿

災後賴千祺過訪

吾文不救畢方災酒甕書車盡作灰門外幸餘楊柳  
在長條暫繫白駒回

雨中看蓮

蓮沼微風雨灑初花撩葉亂錦紛如釣童未省跳珠  
開漫道東西有戲魚

畫蟾蜍

不聞伴蝸噪溪田豈有從蛙上樹巔浴後追涼苔徑  
夕忽然來坐露牀前蝸即蝦蟆字書本草等無有明辨按周禮有辟蝸氏蓋田中喧噪者與蛙不同

龍泉寺花下作

花木林中愛日長禪房三月好風光百年人世如泡  
影會友看春能幾場

題畫

何心輕拗一枝來枝上寒英未拆開十月茅堂已瑾  
戶膽甌欲挽九春回

能因禪師曝首圖

北前龍泉寺詩得非意趣略同  
願靈前時年少視此等詩以為平王老境漸催乃覺其妙有喚奈何之意



誰言一點得痴名，情自痴生痴自情。今古無情人滿目，枉將黠計日營營。

中山君八十壽言

老壽人間難古稀，況加十歲未知衰。藩朝隊長稱雄職，時見英姿策馬來。

古賀溥卿見枉

葦北薇西千里程，青燈濁酒一宵情。言談多緒將何先，門有輿丁候曉更。

題換鵞圖

應姬井學士求

時賢無復舞雞鳴，志在神州誰共成。休道鵞群煩妙

題第一句作小技聊鋪滿腹憂起句意復

作誰共如何

墨不如鶴喚却強兵

赴鴨方途中口占

林田撞圃正西成，社雨初收澹午晴。且喜今年秋熟遍，山村時過賣魚聲。

又

四隣笑語認年豐，新釀香飄午巷風。明日林神當作會，祠前樹幟閃晴空。

絲寄

士雅道光在船余某某自陸

江上春遊興共乘，三餘酒伴一詩僧。客由挽路主人舫，波際松陰呼互鷹。

賴帳前面布置未盡技

觀解道難道然不如前有神韻



次韻大空上人感事作

人間毀譽鎮啾啾，偶入閑聽亦作憂。  
轉羨山中無曆日，何曾皮裡有陽秋。

次子璐月夜泛琵琶湖韻

天女祠前湖月清，湖心乘月掉空明。  
風來波浪生哀響，舟在琵琶絃上行。

次韻豐次郎

鮓戶烟橫島樹微，群童把釣坐苔磯。  
江雲聚散未成雨，一半遙連帆影飛。

十七夜雨還自中條

北工據

賴可謂善驅使古人

雨跳簑袂氣陰森，四野空濛夜已深。  
仰看片雲頭上白，知他明月到天心。

海道士見訪

小園何處覓些涼，賴有梧陰托竹牀。  
午倦生眠斂棋子，一盆堯韭碧波香。

高屋途中

山雲半駁漏斜陽，堆樹蕭條十月霜。  
野店留人勸蕎麵，一籃銀縷出甌香。

上巳同諸兄友遊松陰磯途中口占

浴沂遺想幾賢豪，春服相攜載濁醪。  
何必流觴修故事

北按蘭亭以序後  
類以流觴到字遲欠



快活耳

題備王凡山凡水不足  
以發先生妙思然一  
經題詠便人想其佳  
恨不移過洛陽於海  
內佳亭處處皆品目  
全集珠璣瑤瑤亦不止此

事將持大白看驚濤

竹田路上

岡巒斷續幾村墟  
澗草林花畫不如  
一路斜遵山脚轉  
綠陰相送小籃輿

雁來紅

秋色妍妍淡者誰  
雁聲夜夜帶霜來  
力知美人千里將何寄  
裁作紅箋寫小詩

雜畫

磯頭回磴少人登  
樹裡危欄有客凭  
山色漸昏歸鳥盡  
一帆秋影水澄澄

又

殘陽淡淡水粼粼  
江上愁心勉更新  
欲向前村<sub>下</sub>眺<sub>中</sub>濁酒恨無航  
受雨三人

雜詩

花映晴郊柳覆隄  
春風無處不鶯啼  
閉門著述終何用  
休笑吾儂日杖藜

登黃龍山

彩翠糝糊晚照春  
不知何處是黃龍  
狂譎直踏危巖上  
屐底驚濤萬壑松

自上成赴粒浦途中聯句

此言氣似睡翁視融峯詩

題安臨翁峯裡埋頭  
何日了不如拋擲去  
尋春同一脫洒然能  
著述者乃可言之



北其境在在

吟杖纔追一日晴滿襟蒼翠畫中情雅子登江倒浸峰

巖影人在松梢擊汰行禮卿

自粒浦還上成途中聯句三四千秋他日所足

斜風細雨好同遊雅子夾路新秧野水流禮卿看過題名

相感舊舊歡恨少賴千秋千秋

偶作

一臥寒山二十年林禽野鹿自相憐口談稷契真堪

笑昨鬻吳鉤今鬻田

答紫岳上人問近況次韻

羅經撞花繞骨餘半窻斜照曬農書山村秋旱汚池

北少陵詩身經契終不免飢寒詩人之窮有以也

願紫岳的是一向僧

涸時有隣翁膳婢魚

征夫

十載孤身百戰場逢人猶恥說家鄉平沙萬里月如霜一曲胡笳空斷腸

淀水舟中

橋影依微薄暮天滿江新漲綠茫然兩涯人語探春客數處篝燈賣酒船

訪尾藤士尹不在呈乃弟阿宗

遙認書聲入講堂絳紗帳靜整青緗不須剝啄題凡鳥却得談論對仲翔

朝應是離浪華未遠時語



穎拙齋先生亦解道

是等語

北東坡嘗謂昌黎老

子箇中與復不淺

買盆海棠聯句

市橋燈火照春衣山茶素艷紅嬌錦作圍拙何必章臺  
買花去山茶瓦盆載得睡妃歸拙

山中示河篁諸子

山深藥草四時花路徑無人鳥語譁莫笑石頭眠至  
夜丹崖碧樹本吾家

偶作備中路上

城隍前月頻祈雨野觀今朝更禱晴本自農家無暇  
日又聞村吏索撞征

西姬二子將有三原之行走筆賦贈

峰巒環繞古村閭幽僻堪容長者車日暮翠嵐迷向  
背梅花白處是吾廬

歲杪寄東備故人

林頭月黑雪霏霏犬吠山村人夜歸此日樂郊何處  
是烈公廟畔樹十圍

村居二首

撞圃泥乾人出耕竹梢鵲語喜新晴山妻治餉將攜  
去且倩隣童護箭萌  
陂塘開闢水哀號滿巷斜陽麥莠高底事群童狂走  
去數聲喇叭賣鬆糕



卽事

泮水宮成肄業初，  
竚看絃誦滿鄉閭。  
紫薇花拆秋城雨，  
時有兒童行挾書。

淨土寺分得明字

吟倦沙汀步月明，  
南洲北渚夜三更。  
松陰不動春潮寂，  
時過行船笑語聲。

釣月樓書所見

夢回花氣入簾清，  
湖雨如烟山影橫。  
底事鴨兒分隊去，  
隣童罽罽柳陰聲。

同赤松西山二先生姬井學士若林子陽夜飲

北真海鄉春夜

浦上執法君輔宅主人彈琴

幽琴勸酒夜堂清，  
交態堪論徽外情。  
曲歇雅音誰解嗣，  
泮林風寂古松聲。

遍照寺

撫松拜石入雲霞，  
滿路清風紫棟花。  
香篆艾烟岑寂甚，  
綠陰堆裡病僧家。

地藏渡待舟得風字

夜津呼渡水烟空，  
月上東溪松樹中。  
樓影火光千戶市，  
隔江人語散春風。

有田路上



苦思單父戴星人白髮曾孫蒲柳身余曾祖父高橋府君仕水野侯  
嘗宰自笑居家多秕政漫將新著說安民余近著冬日影

秦川

顧憲誠其上流不知下流有此佳境先生所經蓋問曰以南也

潭水無波浸碧山幽人待渡白沙灣幾艘商舫相銜  
尾挽上篁陰柳影間

松島路上所見

顧憲誠之詩不可不存

田漁浮舟大似萍女兒挽得幾艘輕尾裝穉稻首裝  
餉自在東西南北行

粒浦

晴溝放閘水錚錚芰露蘋風午路清砂埧無人賦釣

艇青菰影裡鷓鴣鳴

都羅

野渡呼舟未解賦衣衫綽綽午川風西隄蘆荻東隄  
柳翠漾紋漪潏潏中

宿釣月樓

湖樓月淨夜無蚊忘却山行困暑氣宿鷺不驚人對  
語跳魚有響水生紋

福山途中值雨作

熟路林隈復水灣籃輿穿過雨聲閒霧藏峯角雲遮  
麓忽見從前未見山

北三四似老杜絕句

題作如是觀凡境亦成字境



○任字草集列士  
梅老圖卷此詩間集  
何以不收袁三森嘗  
非思花之境後知二  
字開不掃花字亦難  
領解在芳野稿中  
讀者目光注前後以  
意消息不慮其不理  
會然終覺曹公疏所  
以刻意至此念憶  
舊事書賢函文請教

宿六田是夜雨

雨氣侵簾燭焰斜旅窗不寐曉思花後期旬日纔來  
此柳渡南頭溪叟家

長洲

兩岸垂楊翠拂空長洲城外暮江風大隄飛絮知多  
少約在清灣曲曲中

又

蒹葭楊柳幾汀洲兩派晴漪綠鴨頭岸闊渡船呼不  
應魚苗風外夕陽愁

彥根

○前刻又有臨風誰  
憶謝玄暉句琴所先  
生可謂知音不虛矣

瀨田

烟翠蔥蘢水作城遠城林麓澹新晴不知松雨亭何  
處蕙帳杉扉想隱情亭琴所  
先生居

○長洲以下四首牙  
野稿中遠珠當日以  
爲木難入齊者

黑雲一抹壓平湖兩岸樓臺乍欲無莫怪行人停杖  
久瀨田橋上看跳珠

偶作

去年十月始歸家伏枕蕭條閱歲華回首遊蹤宛如  
昨今春已到海棠花

胡孫攫蝸牛圖

戰爭蠻觸互雌雄忽落胡孫一握中何異祖龍貪攫

○北條上杉畫爲猿



面相公并吞亦此物也

嗟東秦南楚忽成空

韞浦中秋孟慎孟執冒風雨來會卒賦為謝

不將無月負清遊 暝雨狂風百里舟 看得此情深似

海惡中秋亦好中秋

次君立見寄韻

雄藩樂事競琴詩 喜子緘書顧舊知 如問病閒閑事

業斲壺劖芋伴 塲師

中秋寄懷六如上人及螭崎公子大原雲卿

洛下詩盟近 若何想君風景 每經過不知誰下驚人

語酬賽今宵明月多

知江賞 賴京人唯知山賞不

江波百頃金磨閃 山色千重雪陸離 江賞在南山賞

北何邊 明月入君詩 憶昔方舟伴 貫休各天幾過此宵 秋一聲新雁三更

月誰不回頭問舊遊

蘓屬國海上持節圖

節旄墜盡鬢霜饒 但有丹心戀漢朝 歎息漢朝非舊

日茂陵松柏雨蕭蕭

法光寺賞花

一樹垂櫻蟠半空 清香散入眾峯風 醉歡各處分曹

坐總在千條萬縷中

亦不至此 賴長樂寺垂絲一樹

懷家然終覺太流便



田士德長門安岡人客寓備後尾道頃聞安岡  
不戒于火閭閻盡燼賦此戲寄士德善喫酒有  
母在安岡故句中併及

聞道家山厄畢方鬱攸遙恐及護堂恨君未得藥已  
術喫酒徒成坐上香

題畫

誰人茲舍住回平門柳交陰豆接棚林日未升晨氣  
蕭隔墻相雜讀書聲

郭汾陽像

家傳忠義照千春時托安危在一身片事揚公為相

賴好議論為郭諸  
作有佳於此者故畧

之耳

日損佗聲妓亦過人

失題

四簷雨斷夜遙遙一穗燈花結復凋枯坐遲人人未  
至鄰樓戲博笑聲囂

夕還

松梢雲氣忽揚明知是東溪月欲生琢句未成家已  
近孤村烟裡母牛鳴

新綠

雨霽園林綠陸離窻前無樹駐春姿忽逢狂蝶來深  
入應有餘芳未盡枝

翻未盡作猶在亦似  
可



類上下自古樂府來  
用之一句中似欠也

梅

黃葉詩後編卷二

微雨成烟靄，遠林羅浮芳信已。關心偶從江北傳，書札上道春遲下，雪深。

暗裡尋香折一枝，林頭路滑雪消時。人閒何處無娛樂，忍使花神笑許痴。

春立韶光及我家，雪晴晴照照銀沙。今年第一快心事，手接庭梅將著花。

遙認雞聲穿竹來，數間茆屋一株梅。定知高士眠方熟，日轉西窗門未開。

逼觀偏好臨流影，遙望逾佳倚竹姿。一歲會心何日。

類快心作歡喜或欣然似可

北想倦終不開

類西作南似可否則太晏起矣

北自道仙雲後一聯脫化

北金屋時河嬌易地則然

類閨門似非畫屏梅之空置無字可換

類非林下美人誰能使先生酌酒量

北飲水讀仙書意

北亦一羅浮

是野航微雪訪君時

餅養梅花已幾旬，時時挿換數枝新。閨門年後多人

過，為製羅帷障暗塵。

肌水膚雪古時粧，影入窻櫺月也香。倒醉還非待君

意，孤斟不敢過三觴。

偶逢遊女後先還，素袂青裙玉作顏。行人梅花忽相

失，賸香橫路月彎彎。

四野梅開二月天，吾筇日被暗香牽。客來若問吟遊

處，多在村橋石澗邊。

春來孤往向誰家，日日歸筇後。翹鴉莫怪幽香送襟



北有昨日春風吹不在來

袖前無處不梅花

夜從城郭到吾廬先向瓶梅候起居今日山風惡多

少飄葩亂點案頭書

高枝低枝影漸殘兩片三片春將闌與君動作經年

別休怪孤筇日來看

浦玉堂招飲酒閒聯句

以下雜體

今夕何夕

滄洲

秉燭盍簪

仲明

清澗靈響

士雅

主人調琴

晉帥

草堂小集分得魚字

貧中樂事無盡病裡故人不疎佳話青山綠水歡情

濁酒枯魚

此樂作何

陶徵士

題畫

暫容晉宋閒勝終托羲皇上人濁酒黃花有樂孤松

三徑無塵

楊柳枝

草堂宴散留海道士宿同作

客散窻櫺露氣涼且憑牀蛩聲漸近短檠傍夜將央

木枕布衾清不寐多幽思更呼殘茗步西廂月如

霜

臨江仙

三月晦送人之京

楊柳橋邊連雨霽春歸君也將行一尊相對酌離情

把杯承落絮落絮逐風輕

應惜韶華經歲別林禽



盡日嚶嚶植節閑看暮潮生還期人屈指不必待暮  
羹

長相思 送人還  
肥兒

將相畱何怎相畱別易逢難兩作愁何時是再遊情  
悠悠路悠悠魂夢隨君過幾州紫洋千里舟

黃葉夕陽村舍詩卷之二

00000



早稲田大学図書館

011888009258